

V E N D I M
Nr.172, datë 13.3.2003

**PËR DISA SHITESA NË VENDIMIN NR.726, DATË 21.12.2000 TË KËSHILLIT TË
MINISTRAVE “PËR PAGAT E PUNONJËSVE TË INSTITUCIONEVE BUXHETORE”, I
NDRYSHUAR**

Në mbështetje të nenit 100 të Kushtetutës dhe të neneve 2 e 5 të ligjit nr.8487, datë 13.5.1999 “Për kompetencat për caktimin e pagave të punës”, i ndryshuar me ligjin nr.8935, datë 12.9.2002, me propozimin e Ministrit të Pushtetit Vendor dhe të Decentralizimit dhe të Ministrit të Punës dhe Çështjeve Sociale, Këshilli i Ministrave

V E N D O S I:

1. Në vendimin nr.726, datë 21.12.2000 të Këshillit të Ministrave, të ndryshuar, të bëhen këto shtesa:

a. Në lidhjen I “Renditja e funksioneve sipas klasifikimit”, në klasifikimin “B3” shtohet emërtimi “Nënprefekt”.

b. Në lidhjen II-12 “Niveli i pagave për punonjës të prefekturës”, pas numrit rendor “2” shtohet numri rendor “2/1”, me emërtimin “Nënprefekt”, klasifikimi “B3”.

2. Efektet financiare, që rrjedhin nga zbatimi i këtij vendimi, të përballohen nga fondet e miratuara për Ministrinë e Pushtetit Vendor dhe të Decentralizimit.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1 janar 2003.

KRYEMINISTRI
Fatos Nano